

傷寒百問

傷寒百問序

傷寒諸家方論不一獨伊尹仲景之書猶六經也其餘諸子百家時有一得要之不可爲法又况邪說妄意世業名家規利雖厚因果歷然特以伊尹湯液仲景經絡常人難曉士大夫又以藝成而下恥而不讀往往倉卒之際束手待盡卒歸之於命而已世人知讀此書者亦鮮縱欲讀之又不曉其義况又有好用涼藥者如附子

硫黃則笑而不喜用。雖隆冬使人飲冷服三黃圓之類。有好用熱藥者。如大黃芒硝則畏而不敢使。雖盛暑勸人灸熨服金液丹之類。非不知罪福偏見曲說所趣者然也。陽根於陰。陰本於陽。無陰則陽無以生。無陽則陰無以化。是故春時氣溫當將理。以涼夏月盛熱當食以寒。君子扶陰氣以養陽之時也。世人以爲陰氣在內。反抑以熱藥而成瘡痢脫血者多矣。秋時氣涼當

將息以溫冬時嚴寒當食以熱君子扶陽氣以
養陰之時也世人以陽氣在內乃抑以涼藥而
成吐痢腹痛者多矣伐本逆根豈知天地之剛
柔陰陽之逆順求其不夭橫也難矣偶有病家
曾留意方書稍別陰陽知其熱證則召某人以
某人善醫陽病知其冷證則召某人以某人善
醫陰病往往隨手全活若病家素不曉者道聽
泛請委而聽之近世士人如高若訥林億孫衛

麗安常皆倦倦於此未必章句之徒不誦且賦
也僕因閒居作爲此書雖未能盡窺伊尹之萬
一庶使天下之大人無矢伐老不哭幼士大夫
易曉而喜讀漸浸積習人人尊生豈曰小補之
哉仲尼曰吾少也賤故多能鄙事學者不以爲
鄙然後知余用意在此而不在彼大觀元年正
月日前進士朱肱序

傷寒百問目錄

卷之一

第一問均是傷寒也。冬謂之傷寒，春謂之溫病，夏謂之熱病，何也？

第二問傷寒一二日發熱惡寒，頭項痛，腰脊強，何以知太陽經受病？

第三問傷寒二三日身熱，目疼，鼻乾，不得卧，何以知陽明經受病？

第四問傷寒三四日胸脅痛，而耳聾，何以知少陽

經受病

第五問傷寒四五日腹滿而喘乾手足自溫或自利不渴或腹滿時痛何以知太陰經受病

第六問傷寒五六日口燥舌乾而渴口中和而惡寒何以知少陰經受病

第七問傷寒六七日煩滿而囊縮何以知厥陰經受病

第八問古人云三日已前當汗三日已後當下何也

第九問傷寒只傳足經不傳手經何也

第十問素問曰傷於寒則爲病熱熱雖甚不死何故傷寒反爲熱病

第十一問如何謂之陽虛陰盛汗之則愈下之則死陽盛陰虛汗之則死下之則愈

卷之二

第十二問傷寒與傷風何以別之

第十三問謂傷風見寒脉傷寒見風脉何也

第十四問熱病與中暑何以別之

第十五問難經云溫病脉行在諸經不知何經之動隨其經而取之何也

第十六問有溫病有風溫有濕溫何以別之

第十七問有中濕有風濕有濕溫何以別之

第十八問瘧病是傷寒所致與傷寒相類何以別之

第十九問脚氣近傷寒何以別之

第二十問傷食近傷寒何以別之

第二十一問風痰近傷寒何以別之

第二十二問瘡疾近傷寒何以別之

第二十三問虛煩近傷寒何以別之

第二十四問發熱而惡寒者何也

第二十五問惡寒者何也

第二十六問惡風者何也

第二十七問太陽證熱多寒少者何也

第二十八問太陽陽明少陽發熱何以別之

卷之三

第二十九問往來寒熱者何也

第三十問傷寒如瘧狀何也

第三十一問如何是表證

第三十二問如何是裏證

第三十三問仲景有發汗者有和解者何也

第三十四問仲景有宜下之有微和其胃氣者何也

第三十五問傷寒不得汗何也

第三十六問汗之而寒熱者何也

第三十七問汗之而仍發熱者何也

第三十八問下之而熱不退者何也

第三十九問汗後有表證者何也

第四十問下後有表證者何也

第四十一問病人有表證而脈微細者何也

第四十二問表裡兩證俱見者何也

第四十三問無表裡証者何也

第四十四問表熱裏寒表寒裏熱者何也

卷之四

第四十五問如何是陽證

第四十六問如何是陰證

第四十七問有陰毒有少陰有陰陽易何以別之

第四十八問三陰有可汗者乎

第四十九問三陰有可下者乎

第五十問三陰有發熱者何也

第五十一問陰證似陽何以別之

第五十二問陽証似陰何以別之

第五十三問身冷脉細沉疾煩躁而不飲水何也

第五十四問手足逆冷者何乎

第五十五問吐長蟲何也

第五十六問兩感傷寒其治法如何

第五十七問潮熱者何也

第五十八問頭疼者何也

第五十九問身體痛者何也

第六十問汗出者何也

第六十一問但頭汗出者何也

第六十二問咽乾者何也

第六十三問咽喉痛者何也

卷之五

第六十四問嘔者何也

第六十五問吐者何也

第六十六問乾嘔者何也

第六十七問咳嗽者何也

第六十八問鼻衄者何也

第六十九問吐血者何也

第七十問渴者何也

第七十一問煩者何也

第七十二問躁者何也

第七十三問發黃者何也

第七十四問發斑者何也

第七十五問發狂者何也

第七十六問譫語者何也

第七十七問病人但漱水不欲嚥何也

第七十八問腹脹滿者何也

第七十九問腹痛者何也

第八十問痞者何也

卷之六

第八十一問結胃者何也

第八十二問喘者何也

第八十三問咳逆者何也

第八十四問嗜卧者何也

第八十五問不得眠者何也

第八十六問大便溏者何也

第八十七問下利者何也

第八十八問數日不大便又有大便難又有大便

鞭又曰有燥屎何也

第八十九問小便不利者何也

第九十問小便自利者何也

第九十一問壞傷寒何也

第九十二問狐惑濕匿傷寒何也

第九十三問百合傷寒何也

第九十四問霍亂何也

第九十五問傷寒勞後食復何也

第九十六問傷寒不思食何也

第九十七問傷寒不得用九子藥者何也

第九十八問妊婦傷寒其治法如何

第九十九問小兒傷寒其治法如何

第一百問小兒瘡疹發熱類傷寒何以別之

傷寒百問目錄終

傷寒百問卷一

宋 奉議郎醫學博士朱肱著

第一問均是傷寒也。冬謂之傷寒，春謂之溫病，夏謂之熱病，何也？

冬時嚴寒中，而即病，名曰傷寒。其不即病者，寒氣藏於腦，巨下風府之上，靈道之間。至春夏陽氣王，與寒毒薄下，流兩腠，隨流注經，其候與冬時即病無異。但因春溫氣而發，名曰溫病。因夏暑氣而發，名曰熱病。故太醫均謂之傷寒也。

第二問傷寒一二日發熱惡寒頭項痛腰脊強何
以知太陽經受病

足太陽膀胱經腎與膀胱爲合故足少陰與足太陽
爲表裏從目內眥上頭連於風府分爲四道下項并
正別脉上下六道以行於背與身爲經太陽之經爲
諸陽主氣或中寒邪必發熱而惡寒緣頭項腰脊是
太陽經所過處今頭項痛身體疼腰脊強其脉尺寸
俱浮者故知太陽經受病也

問曰太陽受病其治法如何

太陽病頭疼發熱汗出惡風宜桂枝湯之類應解散

而藥宜用桂枝者，太陽病頭痛發熱無汗惡寒，宜麻黃湯之類，應解散而藥宜用麻黃者，二者均爲解散。正分陰陽，不可不慎也。仲景所謂無汗不得服桂枝，有汗不得服麻黃，常須知此，勿令誤也。太陽病自汗四肢拘急難屈伸者，小便難者，可桂枝湯內加附子一分服之。若小便數者，慎不可行桂枝也。宜服芍藥甘草湯。若誤行桂枝，附子攻表，便咽乾煩燥厥逆嘔吐，作甘草乾姜湯與之止吐，以復其陽氣。若厥愈足溫更作芍藥甘草湯與之，其脚即伸。若胃氣不和，譫語者，少與調胃承氣湯微瀉，則止其譫語。蓋芍藥

甘草湯主脉浮自汗小便數者。寸口脉浮爲風大爲虛風。則生微熱。虛則兩胛舉。小便數。仍汗出爲津液少。故不可必用桂枝。宜服芍藥甘草湯。補虛退風熱。兼此湯通治誤服桂枝後病證仍存者。太抵桂枝湯難用。須是子細。假如中風自汗脉浮而弱。設當行桂枝湯後。無桂枝脉息證候而煩者。亦不可再與也。宜消息之。

第三問傷寒二三日身熱目疼鼻乾不得臥何以知陽明經受病

足陽明胃經脾與胃爲合。故足太陽與陽明爲表裏。

從鼻起，夾於鼻，絡於目下，咽分爲四道，并正別，脉六道上下行，腹綱維於身，蓋諸陽在表，陽明主肌肉，絡於鼻，故病人身熱，目疼，鼻乾，不得臥，胃中寒故不得臥也，其脉尺寸俱長者，知陽明經受病也。

問曰：陽明受病，其治法如何？

陽明在三，有太陽之陽明，有少陽之陽明，有正陽之陽明也。太陽之陽明者，本太陽病，若發汗，若下，若利，小便，此亡津液，胃中乾燥，因轉屬陽明也。少陽之陽明者，本傳到少陽，因發汗利小便，已胃中燥實，大便難也。正陽之陽明者，病人本風盛氣實，不在亡津液。

便陽盛胃實也。三陽明俱宜下。唯惡寒及中寒爲病在經與太陽合病屬表可發其汗。蓋太陽與陽明合病。脉必浮大。而長。外證必頭疼。腰痛。肌熱。目痛。鼻乾也。脉浮大者。太陽也。長者。陽明也。頭疼腰痛者。太陽也。肌熱。目痛。鼻乾者。陽明也。今言二三日傳陽明者。若尚惡寒。便可用升麻湯。汗之。若不惡寒。手足熱。汗出者。白虎湯。解利之。若大便硬。或譫語者。胃家實也。可用調胃承氣。下之。二陽有合病。有併病。脉浮大。而長。頭痛。腰痛。肌熱。目疼。鼻乾者。合病也。太陽初得病時。發其汗。汗先出。不微。因轉屬陽明。續自微汗出。不

惡寒者，併病也。大抵病人雖有陽明證，若其人面赤，色煩躁，短氣但坐，而脈濡者，是太陽證不罷，陽氣拂鬱在表，不得起散，當更用麻黃湯發其汗，則愈。仲景所謂以汗出不徹故也。又問陽明有，中風其證如何？病人脈弦浮數，能食，口苦咽乾，腹滿微喘，發熱惡寒，或嗜臥身黃，小便難，潮熱而噤者，是陽明中風也，可與小柴胡湯。

第四問傷寒三四日胸脅痛，而耳聾，何以知少陽經受病？

足少陽膽經，肝與膽爲合，故足厥陰與足少陽爲表。

裏起目外眥絡於耳分爲四道下缺盆循於脇并正
別脉六道上下主經營百節流氣三部故病人胸脇
痛而耳聾黃帝鍼經曰邪在肝則兩脇痛又曰膺脹
者脇下痛口中苦善太息或口苦咽乾或往來寒熱
而嘔其脉尺寸俱弦者知少陽經受病也

問曰少陽受病其治法如何

仲景曰太陽病不解轉入少陽脇下脹滿乾嘔不能
食往來寒熱尚未可吐下診其脉弦緊者小柴胡主
之蓋少陽受病口苦咽乾目眩仲景少陽證唯小柴
胡方解表

第五問傷寒四五日腹滿而噎乾手足自溫或自利不渴或腹滿時痛何以知太陰經受病

足太陰脾經爲三陰之首其脉布於脾胃絡於噎嗝故病人腹滿而噎乾尺寸俱沉細者知太陰經受病也

問曰太陰受病其治法如何

傷寒手足必微冷若手足自溫者係太陰也自利不渴屬太陰也腹滿時痛屬太陰也自利不渴者藏寒也當溫之宜四逆湯理中湯也腹滿脉浮者可桂枝微發汗腹滿者桂枝加芍藥一倍痛甚者加大黃也

又問，古人以四日太陰證病在胸膈，可吐而食，何也？答云：不然。有太陰證，脈大而胸滿多痰者，可吐之；脈大而无吐証者，可汗而已。大抵三日已上，氣浮上，郭填塞，心胸頭疼胸滿，或多痰涎當吐之也。

第六問：傷寒五六日，口燥舌乾而渴，口中和而惡寒，何以知少陰經受病？

足少陰腎經其脈起於小指之下，斜趣足心，別行者入跟中，上至股內，後廉貫腎絡，膀胱直行者從腎上貫肝膈，入肺中，繫舌本。傷寒熱氣入於藏，流於少陰之經，少陰主腎，腎惡燥，故渴而引飲。又經發汗吐下，

已後臟腑空虛津液枯竭腎有餘熱亦渴故病人口燥舌乾而渴其脉尺寸俱沉者知少陰經受病也

問曰少陰受病其治法如何

少陰病口燥舌乾者急下之若不口燥舌乾而脉沉者急溫之宜四逆湯也太陰厥陰皆不惡寒只少陰有惡寒之證不可不知也少陰病得之一二日口中和其脊惡寒者宜著灸并附子湯也若少陰病惡寒而倦手足溫者小建中湯若惡寒而倦時時自煩不欲厚衣用大柴胡主之無不愈者大率陰證不宜發汗然少陰病始得之反發熱脉沉者須用麻黃細辛

附子湯微汗之。及少陰病初得，二三日常見少陰證，無陽證者，亦須少發汗，宜麻黃附子甘草湯也。夫脈沉細數，病在裏，不可發汗。此大畧之言耳。風寒中人，與營衛相薄，而發熱。又未曾行諸汗藥，雖無證，須少汗解逐之。王叔和曰：表，中風寒入裏，則不消。故知初病脈沉細數，雖裡不消。本表，中風寒，須用溫藥，少汗而解矣。仲景少陰藥，惟有麻黃細辛附子湯。麻黃附子甘草湯，蓋爲此也。

第七問傷寒六七日煩滿而囊縮，何以知厥陰經受病。

足厥陰肝經厥者盡也。靈樞曰：亥爲左足之厥陰，戌爲右足之厥陰，兩陰俱盡，故曰厥陰。夫陰盡爲晦，陰出爲朔，厥陰者以陰盡爲義也。其脈循陰器而絡於肝，肝者筋之合，聚於陰器而絡於舌本也。脈弗管則筋急，筋急則引舌，與卵故唇青舌卷而卵縮。凡病人煩滿而囊縮，其脈尺寸俱微緩者，知厥陰經受病也。

問曰：厥陰受病，其治法如何？

厥陰病其脈微浮爲欲愈，不浮爲未愈。宜小建中湯。脈浮緩者，必囊不縮，外證必發熱惡寒，似瘡爲欲愈。宜桂枝麻黃各半湯。若尺寸俱浮短者，必是囊縮，毒

氣入藏宜承氣湯下之。大抵傷寒六七日傳厥陰肝木必移氣尅於脾土，再受賊邪，則五藏六腑皆因，而危殆。營衛不通耳聾囊縮，不知人而死矣。速用承氣湯下之，可保。五死一生，勿從容極救。令病人水漿不入，湯液不下，无可奈何也。素問曰：脾熱病，則五臟危。又云：土敗木賊，則死。若六七日傳厥陰，脈得微緩微浮，爲脾胃脈也，故知脾氣全，不再受尅，則邪無所容，否極泰來，營衛將復，水升火降，則寒熱作而大汗解矣。

第八問古人云：三日已前當汗，三日已後當下，何

也

黃帝曰未滿三日者可汗而已其滿三日者可泄而已此大畧之言也病人有虛有實邪氣傳受遲速不等豈可拘以日數仲景曰日數雖多但有表證而脉浮大數猶宜發汗日數雖少即有裏證而脉沉細數猶宜下之正應隨脉以汗下之又况六氣之邪氣虛入經自脊得之則入太陽或入少陰緣少陰有伏脉在背自面感之則入陽明之類不必皆始於太陽兼寒邪有首尾止在一經或問傳一二經不可以一理推但據脉與外證治之此活法也假令有人脉浮頭

項強痛發熱惡寒。每日如此。不以日數多少。正是太陽經受之。其餘經絡皆倣此。大抵傷寒。脈與外證以汗下之。若過日多。脈尚浮大數。按之不足者。責太陽也可。發汗而愈。若按之實者。汗之必死。須下之而愈也。若始得病。脈沉細數。外證或腹滿咽乾。或口燥舌乾而渴。爲正責屬裡。可下之而愈。若無此證。但發熱頭疼者。誤下必死。須行麻黃附子甘草湯。少發汗。此皆仲景之玄旨也。

第九問傷寒只傳足經不傳手經何也

手足各有三陰三陽。合爲十二經。在手背者爲陽。屬

表爲府在手掌裡者爲陰屬裡爲臟足經皆倣此素問熱論亦只說足三陰三陽受病。巢氏言一日太陽屬小腸誤矣。又問今大便硬豈非大腸受病耶此胃實故大便硬耳。靈樞論傷寒受病有標本以先受病爲本傳者爲標足太陽爲諸陽主氣最在外三日已前足之三陽受病在其肌而手之三陰在其膈三日已後足之三陰受病在其膈而手之三陽在其肌傳竟再受亦始於足太陽也。足之太陽者陰中之少陽也足之太陰者陰中之太陰也足之三陽從頭走足足之三陰從足走腹

第十問素問曰傷於寒則爲病熱熱雖甚不死何

故傷寒反爲熱病

寒毒流於經絡薄於肌膚毫毛畢直玄府不閉

玄府者汗

也陽氣不得發散而內鬱結故傷於寒反轉爲熱也
岐伯所謂寒盛則生熱

第十一問如何謂之陽虛陰盛汗之則愈下之則
死陽盛陰虛汗之則死下之則愈

陰陽盛虛非謂分脉尺寸也營衛者表陽也胃府者
裡陰也寒毒爭於營衛之中必發熱而惡寒尺寸俱
浮大內必不躁該有微煩其人飲食欲溫而惡冷爲
陽虛陰盛也汗之則愈誤下必死若寒毒相薄於營

衛之內而陽勝陰衰極陰變陽寒盛生熱也陽熱之
氣盛則入裏熱毒居胃水液乾涸燥糞結聚其人外
不惡寒必蒸蒸發熱而躁甚則譫語其脈浮滑而數
或洪實爲陽盛陰虛故也須當下之則愈誤汗則死
經曰陽虛則外寒陰虛則內熱陽盛則內熱陰盛則
外寒以此別之

傷寒百問卷一終

傷寒百問卷二

第十二問傷寒與傷風何以別之

傷寒者脉緊而澁。傷風者脉浮而緩。傷寒者無汗。脉
澁故也。傷風者有汗。脉浮故也。傷寒者畏寒不畏風。
傷風者畏風不畏寒。大抵太陽病者必脉浮發熱惡
風惡寒也。惡寒者不當風而自憎寒。惡風者當風而
憎寒也。六經皆有傷寒傷風。其證各異。太陽脉浮有
汗爲中風。脉緊无汗爲傷寒。陽明善飢爲中風。不食
爲傷寒。少陽兩耳聾目赤胸滿而煩爲中風。口苦咽
乾目眩爲傷寒。若三陰傷風無變異形證。但四肢煩

疼餘證同三陽也

問傷寒治法如何傷寒之候脉

尺寸俱盛而緊滿身體拘急而无汗面色慘而不紅欲衣偎身惟覺寒不可過四體如經桂枝手足指末微厥不煩躁則麻黃乾葛湯小荆芥散麻黃湯人參順氣散麻黃圓之類皆可汗之然太陽有熱多寒少者須子細看脉與證浮者雖熱多寒少自可發汗若脉弱无陽也桂枝二越婢一主之熱多寒少而尺脉遲者營氣不足血少故也先以小建中湯加人參最良久尚遲再作一劑或太陽證宜汗而其人逆失血又下利則教少與桂枝湯使體潤榮榮連日當自解

假如淋家衄血家法不可汗亦可以小柴胡之類和

解之也問傷風其治法如何傷風之候脉浮而緩

寸大而尺弱風至則索索然惡之冬月手心腋下潤

春夏頭額汗出其面光而不修煩躁手足不厥則桂

枝湯小柴胡湯萎蕤湯升麻散羌活散獨活散川芎

散之類皆主之項背強者桂枝湯加葛根也裏寒者

去芍藥加附子不飲水凡發汗後汗不止爲漏風加

附子一箇起去良附太陰證腹滿脉浮者可服此微

發汗腹痛者加芍藥一倍痛甚者加大黃也傷風當

用桂枝而有所避忌者如酒家及目赤大躁唇焦等

宜用人參葛根石膏三物湯。大抵桂枝湯自西北二
方。古人四時行之無不應驗。自江淮間。唯冬及春可
行之。自春末及夏至已前。桂枝證可加黃芩半兩。陽也。夏至後有桂枝證。可加知母一兩石膏二兩。或
加升麻半兩。若病人素虛寒者。正用古方。不在加減
也。

第十三問謂傷風見寒脉。傷寒見風脉。何也。

發熱惡寒煩躁。手足溫爲中風。候脉浮緊爲寒脉。是
中風見寒脉也。寒多熱少不煩躁。手足微厥爲傷寒。
候脉浮緩爲風脉。是傷寒見風脉也。中風見寒脉。傷

寒見風脈宜服大青龍湯蓋大青龍證脈似桂枝反
无汗病似麻黃反煩躁是也大青龍湯治病與麻黃
湯證相似但病尤重而又加煩躁者用大青龍湯也
以中風并傷寒俱盛故青龍湯添麻黃作六兩又似
合桂枝湯藥味在內添石膏所以爲緊此治營衛俱
病若證不審誤用則發汗多傷人

以其煩躁一證故
可用大青龍湯

大抵感外風者爲傷風感寒冷者爲傷寒故風則傷

衛寒則傷營桂枝主傷衛麻黃主傷營青龍主營衛

俱傷也

風傷衛者病在皮膚之間以衛行脈外爲
陽主外皮膚之間衛氣之道路故也其病淺

寒傷營者寒氣中於肌肉也以其營行脈中爲陰主內
肌肉之間營血之道路故也其病深所以桂枝與麻

黃所施各異戒勿誤用以有淺深之別風寒之邪在
腎當宜審諦大青龍尤宜慎用仲景曰脈微弱汗出
惡風者不可服青龍服之則厥逆筋惕肉瞤此爲逆
也類纂云凡發汗過多筋惕肉瞤與振動人或虛羸之
人似汗出後有此証俱宜服桂枝湯以救之蓋若者
芍藥或量多少與之惡熱者去附子餘症如珠法仲
景集真武湯乃爲合用桂枝湯用麻黃之類發汗多
亡陽有此証故用真武湯若謂理氣者无此証也

第十四問熱病與中暑何以別之

中暑與熱病皆發熱惡寒頭疼外證俱同但熱病者
脈洪緊中暑者脈細數甲乙經云脈盛身寒得之傷
寒脈虛身熱得之傷暑蓋寒傷形而不傷氣所以脈
盛熱傷氣而不傷形所以脈虛傷寒即身體支節痛
重其脈數中按之而有力此是冬月感寒氣深至夏

發耳。問熱病治法如何。熱病藥性須帶涼，不可大
溫。桂枝麻黃大青龍須用，加減法。夏至前，桂枝加黃
芩半兩。夏至後，桂枝麻黃大青龍加知母一兩石膏
二兩。或加升麻半兩也。蓋桂枝麻黃湯性熱，夏月服
之有發黃斑出之失。熱病三月外，與湯不差，脈勢仍
數，邪氣猶在經絡未入厥府者，與桂枝石膏湯。此方
夏至後代桂枝證用。若加升麻半兩，可代麻黃青龍
湯用也。夏月熱病，七物黃連湯、梔子升麻湯、陽旦湯
并主之。又問夏至後皆可，行白虎是耶。白虎治中
暑，與汗後一解利藥耳。一白虎未能驅逐表邪故也。

中暑即背寒面垢

其面如塗油類暴云面垢者煩也一名面塵若塵垢之著面煩

渴口燥但覺倦怠四肢却不痛重其脉數中按之而

無力

又問中暑何故洒然毛聳惡寒

答曰經云

四時八風之中人也因有寒暑寒則皮膚急腠理閉

暑則皮膚腠理開開則洒然寒閉則熱而悶近人多

不明中暑或作熱病法治之多至不救或治熱乃如

瘟疫法治之以解表復用溫熱藥必致發黃斑出更

爲害無尤宜戒之

問中暑其治法如何仲景曰四

月以後天氣炎熱可用竹葉湯白虎加人參湯服湯

已心下痞者屬五苓散小便利則解頭疼惡心煩躁

者五苓散。香薷圓。白朮圓。消毒圓。黃龍圓。大順散主之。若著熱倒地不省人事者。乾姜橘皮散主之。覺心下不快者。便可用承氣湯下之。然後服陽毒散。遂延悶絕不救者。熱也。大蒜散主之。若暑氣伏深累取不差。其人引飲不已者。酒蒸黃連圓主之。傷暑痰逆胃悶等疾。兼治傷寒心熱煩躁。舌出面赤而胃寒不可服涼藥。宜服牛膽南星圓。

第十五問難經云。溫病脉行在諸經。不知何經之動。隨其經而取之。何也。

溫疫謂之天行病。仲景無方。外臺千金。司病密等。詳

此言溫病之脉。謂溫疫也。非春曰溫病也。

不因冬時受寒。故也。

四時皆有不正之氣

春夏各有寒者，時扶冬或有暖者，時

一方內長幼

患狀率相類者，謂之時氣是也

老君神一散大治溫疫，不相一而移成子，蟄

火四時

若春應暖而清氣折之，則責邪在肝

三四月

寒其時陽氣尚弱，為

夏應暑而寒氣折之，則責邪在

心

五六月陽氣已盛，為

秋應涼而反大熱，抑之則責

邪在肺

濕熱相薄，且多

冬應寒而反大溫，抑之則責

邪在腎

春時陽氣發於冬時，則伏寒變為溫病

土無正形，因火而名，當

隨其經而取之也。仲景曰：溫疫與傷寒大異，蓋傷寒

者，傷寒氣而作冬溫者，感溫氣而作寒疫者，暴寒折

入，非觸冒之過，其治法不同。所施寒熱溫涼之劑亦

是，不可拘以日數。發汗吐下隨證施行，要之治熱以寒，溫而行之；治溫以清，冷而行之；治寒以熱，涼而行之；治清以溫，熱而行之。以平爲期，不可以過。此爲大法。春疫宜用升麻散，水解散解肌湯；夏疫宜用調中湯、射干湯、半夏桂甘湯；秋疫宜用白虎加蒼朮湯、煎茵陳湯汁，調五苓散；冬疫宜用萎蕤湯也。

第十六問有溫病有風溫有溫毒何以別之

溫病有二名。春月傷寒謂之溫病，時氣疫癘亦謂之溫病。冬傷於寒，輕者夏至以前發爲溫病，冬傷於寒甚者夏至以後發爲熱病。蓋春傷寒爲溫病者，熱輕

故也。春傷寒曰溫病，脉數而大散，但身壯熱，頭項腰脚痛，煩熱昏渴者，小柴胡主之。加煩躁發渴，脉實大便秘澀者，小柴胡加大黃也。虛煩者，竹葉湯。次第服之，益治溫病與傷寒熱不同，故也。升麻散解肌湯亦宜服之。風溫者，太陽病發熱而渴，不惡寒爲溫病。若發汗已，身灼熱者，名風溫。風溫之病，脉陰陽俱浮，自汗出，體重，其息必喘，其形不仁，嘿嘿俱欲眠，蓋其人素傷於風，因復傷於熱，風熱相搏，即發風溫。四肢不收，左傳曰風淫末疾頭疼身熱，常汗出，不解，治在足少陰厥陰。少陰火厥陰風不可發汗，汗出，譫言獨語，內煩躁擾不

得臥。若驚癇目亂無精。療之者復發其汗如此死者
醫殺之也。風溫不可發汗。宜葶藶湯。風溫身灼熱者
知母乾葛湯。風溫加渴甚者。栝樓根湯。或又調中湯
去大黃主之。風溫脉浮身重汗出。慎防已湯。風溫瘥
癰頭目昏眩。四支煩痛。荊芥散。溫毒者冬時觸冒寒
毒至春始發。病初在表。或已發汗吐下而表證未罷
毒氣不散。故發斑。又冬月溫暖人感乖戾之氣。未即
病至春或積寒所折。毒氣不得泄。至天氣暄熱溫
毒始發。則肌肉斑爛。癰疹如錦紋而咳。心悶但嘔。清
汁。葛根橘皮湯。黑膏黑奴圓。黃連橘皮湯主之。

第十七問有中濕有風濕有濕溫何以別之

風雨襲虛山澤蒸氣則人多中濕然有中濕有風濕

有濕溫雖並屬太陽其脉其證其治法皆不同大抵

濕流關節須身體煩痛其人中濕因而傷風名曰風

濕其人傷濕因而中暑名曰濕溫其脉沉緩爲中濕

脉浮爲風濕脉陽濡而弱陰小而急爲濕溫當別而

治之中濕者一身盡痛發熱身黃小便不利大便反

快至真要論云治濕之法不利小便非其治也五苓

散主之

雖然中濕亦有小便利者仲景治中濕小便不利者木附湯小便利者甘草附子湯

不宜大發汗可用麻黃加朮湯木附湯也

濕家雖身疼不可

發其表汗出則作瘧也

風濕者是風氣與濕氣相搏肢體痛重

不可轉側額上微汗不欲去被或身微腫欲發其汗

但榮榮

貞立

身潤則風濕俱去若大發其汗則風氣

去濕氣在矣

麻黃杏仁薤白甘草湯防己黃耆湯桂枝附子湯甘草附子湯杏仁湯天門冬

湯上

濕溫者兩脛逆冷腹滿頭目痛苦妄言治在太

陰

明發上

必多汗麻木附湯白虎加蒼朮湯不可發

汗汗出必不能言耳聾不知痛所身青面色變名曰

重暍如此死者醫殺之耳

第十八問瘧病是傷寒所致與傷寒相類何以別

之

痙病偏太陽經。蓋因傷風。又感寒濕。而致然也。外證

發熱惡寒。與傷寒相似。但其脈沉遲弦細。甲乙經云痙脈沉。與

平而項背反張強硬。口噤如發痙之狀。此爲異耳。並

可與小續命湯。更察其有汗無汗。以分。則產柔痙。汗無

惡寒者。則痙有汗。不惡寒者。則柔痙。無汗葛根湯主之。有汗桂枝加葛

根湯主之。若審知剛柔。胸滿口噤。其人臥不著席。脚

攣急。咬齒。當行大承氣湯也。又問剛柔二痙。與陰

陽二痙。是如何。在亦作痙。陽痙屬剛。陰痙屬柔。仰目是陽

是陰。附未散。桂心白朮散。附子防風散。八物白朮

散。桂枝煎主之。傷寒陰痙。筋急。痙難愈。陽痙易差。陰痙難愈。又問小兒驚癇。

皆發症其治法如何。小兒驚癇者。古人謂之陰陽癇。
急驚是陽癇。慢驚是陰癇。陽癇。陽癇。屈。肘當用涼藥。陰癇。
屈。肘當用溫藥。溫藥如釣藤小續命湯最妙。蓋有附
子故也。小兒急慢驚小便不利五苓
散尤良。

第十九問脚氣近傷寒何以別之

傷寒只傳足經不傳手經。地之寒暑風濕皆作蒸氣。
足常履之遂成脚氣。所以病證與傷寒相近也。脚氣
之病始得不覺。因他病乃知。毒氣入心則小腹頑痺
不仁。即令人嘔吐死在朝夕矣。然終是與傷寒不同
者。孫真人曰。平起脚屈弱不能轉動。有此爲異耳。要

之有脚氣之人先從脚起或先緩弱痛痹

寒氣勝者為痺有

寒故

或行起忽倒或兩脛腫痛

亦有不腫者

或脚枯細或

心中忪悸或小腹不仁

病久入五臟營衛之行通皮膚

不知有

或舉體轉筋或見食嘔逆惡聞食氣或胸滿

氣急或遍體酸痛皆脚氣候也黃帝所謂緩風濕痺

是也頑弱名緩風疼痛為濕痺

痹者閉也閉而不仁故曰痺寒中

三陽所患必冷

越婢湯小續命主之小續命煎湯成旋入生薑自然汁最良暑中

三陰所患必熱

小續命湯去附子減桂一大便秘者

肺約同神功圖五榮胃大三脘散主之脚氣疾皆由氣實而始終不一人以服藥致虛而損者脚腫

者拱擲散主之脚氣方論千金外臺最詳此不復叙

大抵越婢湯小續命湯薤苳仁酒脾約圓神功圓皆
要藥也。仍針灸爲佳。服補藥與用湯淋洗者皆醫之
大禁也。其脉浮而弦者起於熱遲而流者起於寒風
者汗而愈濕者溫而愈熱者下而愈寒者慰
愈而

第二十問傷食近傷寒何以別之

傷食脉緊而頭疼發熱惡寒但驗左手人迎平和身

不疼痛者是也。甲乙經云人迎盛緊傷於寒氣口盛

緊傷於食

左手關前一分者人迎之位也
右手關前一分者氣口之位也

蓋人迎主

外氣口主中以別之。傷食之候脉必滑而數狀似
傷寒却身不疼痛此爲異耳。若膈實嘔吐者食在上

腕宜吐之。若心腹滿痛者，宜下之。瓜蒂散、豆豉、圓黑神圓治中湯主之。

第二十一問風痰近傷寒何以別之

風痰外似傷寒，頭眩發熱，而背寒，其脈大，而數，胸膈痞滿，或嘔吐，是其證也。柴胡半夏湯、瓜蒂一味散、細辛散、半夏化痰圓、金沸草散、大半湯主之。

第二十二問瘧疾近傷寒何以別之

脈浮而弦，其人發熱而惡寒，或思飲食，是作瘧證也。金匱要略云：瘧脈自弦，弦數者多熱，弦遲者多寒，弦小緊者可下之，弦遲者可溫之，弦緊者宜發汗，浮大

者可吐之多熱但熱者白虎加桂湯多寒但寒者柴

胡桂姜湯寒熱相等及先熱後寒可發汗者

先熱後寒名曰

瘧但可與小柴胡湯先寒後熱者柴胡加桂湯如汗

多煩渴小便赤澀素有毒氣及不伏水土嘔吐甚者

可服五苓散脉小緊寒熱嘔吐間日頻自發作無時

大便秘者可服大柴胡湯下之脉浮大寒熱往來者

可服祛邪圓吐之不愈者服葶芩煎圓朱粉如此則

治瘧之法無以過也

經婦恒山甘草湯恒山竹葉湯

第二十三問瘧煩近傷寒何以別之

諸虛煩熱與傷寒相似然不惡寒身不疼痛故知非

傷寒也不可發汗，頭不痛，脈不緊數，故知非裏實也。不可下。如此者，內外皆不可攻，攻之必遂損竭多死也。此虛煩，但當與竹葉湯。若嘔者，與橘皮湯。一劑不愈，再與之。孫真人曰：此法數用有效。傷寒虛煩亦宜服之。王叔和曰：有熱不可大攻之，熱去則寒起，正宜服竹葉湯。

第二十四問發熱而惡寒者何也

發熱而惡寒者，屬太陽經。太陽病必發熱而惡寒。蓋太陽主氣，以溫皮膚分肉，寒氣留於外，皮膚緻密，則寒慄而發熱。麻黃湯、大青龍湯主之。若發熱微惡寒，

者柴胡桂枝湯桂枝二越婢一湯也 又問吐利而發熱惡寒者何也吐利而發熱惡寒者當於霍亂中求之

第二十五問惡寒者何也

惡寒有二證發熱惡寒者發於陽也無熱而惡寒者

發於陰也發於陽者宜解表

脈須浮數或有不汗或無汗桂枝湯發黃青龍也若

發於陰者宜溫裡

脈須沉遲無汗理中

發汗後反惡寒者虛而已

芍藥甘草附子湯 又問惡

寒而汗出者何也有太陽惡寒而汗出者

汗出後惡寒若但心

下者此陰下之也於心陽虛者有桂枝湯若惡寒者桂枝去芍藥加附子湯也

有陽明

惡寒而汗出者

陽明在脈遲汗出多微惡寒者表未解也可發汗宜桂枝湯

有少

陽汗出而微惡寒者

陽也表固在枝湯主之

有心

下痞惡寒而汗出者

心下痞而微惡寒者屬少陽也附子湯

心下痞惡

寒而无汗者治法又別也當先解表乃攻痞解表桂

枝湯攻痞大黃黃連瀉心也蓋惡寒而汗出者表無

事於解也三陽无汗而惡寒者當解表耳大抵太陽

證寒多易治熱多難愈病人惡寒者慎不可過當衣

被迨大氣寒熱相搏愈冷病人寒不可過此不可不

慎也

第二十六問惡風者何也

惡風者衛中四時之虛風所以惡風也其人當汗出而脈緩也數與桂枝湯桂枝加葛根湯使遍體微潤連日當自解矣又有太陽病發汗多亡陽遂漏不止衛虛而惡風者當溫其經也小便難四肢微急難以屈伸者桂枝加附子也厥逆筋惕肉瞤者真武湯也若傷寒四五日身熱惡風頭項強脇下滿手足溫而渴者小柴胡湯主之風濕相搏骨節煩疼掣痛不得屈伸汗出短氣小便不利惡風不欲去衣者甘草附子湯主之

第二十七問太陽證熱多寒少者何也

太陽病熱多寒少有三證須子細辨認有熱多寒少而不嘔清便自可者有熱多寒少而脈微弱者有熱多寒少而尺脈遲者其用藥皆不同也太陽病八九日如瘧狀熱多寒少不嘔清便自可宜桂枝麻黃各半湯熱多寒少而脈都太微弱者無陽也不可發汗宜桂枝二越婢一主之若脈浮熱多寒少亦自可發汗熱多寒少而尺脈遲者血少也先以小建中加人參湯可養其血尺尚遲再作一劑然後臨時用小柴胡桂枝二越婢一湯輩小劑隨證治之

第二十八問太陽陽明少陽發熱何以別之

發熱而惡寒者，屬太陽也。身熱汗出，漉漉然者，屬陽

明也。

太陽者，宜桂枝微汗之。脈實者，謂胃承氣下之。

明也。大便不秘者，白虎湯解利之。若陽明發熱，開多者，宜大承氣急下之。蓋汗多發熱者，胃中乾故也。

脈細頭疼，鳴而發熱者，屬

少陽也。

少陽不可發汗，宜小柴胡也。發汗則濇，語此屬胃和則愈，宜下之。

若天行時

疫病，一二日身熱，頭痛，肉瞤，脈洪大，肌熱如火者，葛

根一味主之。病人无表裡證，發熱七八日，脈雖浮數，

宜大柴胡下之。假令已下，脈數而不解熱，則消穀善

饑，至六七日不大便者，瘀血也，宜抵當湯。

傷寒百問卷二終